

# Punchuta Tikucha Awachin

*Tikucha hace un poncho*

Afianzamiento de Lectura Quechua  
Serie de *Urpay*

5

Quechua de Santa Ana de Tusi, Pasco

Adaptado del cuento escrito por:

Amador Tucto Ramírez

Ilustrador: Jhonel Rosales Córdova



Juk warmish karqa Tikucha jutiyuq.  
Runan Shoshiwan ali kuyanakuq.  
Shoshipa punchun ushakashqa  
kaptinshi Tikucha punchupaq  
puchkayta qalaykurqa.



Wamran puklanqankama puchkanta  
imanuypapis mirachikurqa.



Chaynuyla üshankunata  
michikuqnuypis puchkakuq.




Punchupaq ayparkachirna Tikuchaqa  
kawpuyta qalaykurqa.




Chaynuy kawpuychaptin Shoshipis  
kawpuyta yanaparqa.



Chay markachru punchu awaq juk  
runa karqa Filli jutiyuq. Chayshi  
kawpuyta usharkurna Tikucha  
kururkunata aparqa Filli  
awapänanpaq.



Awapakuqta chraskirkurna Filliqa  
jukla punchuta awayta qalaykurqa.




Awayta usharkuptinnash pāgananpaq  
kuchinta janchrakurkur Tikuchaqa  
punchu shuntaq aywarqa.



Filliman chrayaykurnash punchuta  
awanqanpita kuchita pägarqa.



Punchuta shuntarkamurqa Shoshita  
kushishqa rikachirqa.



Shoshinash punchunpaq ribitinta jukla jirarqa.



Jirayta usharkurna ali kanqanta  
rikarqa.



Nirkurnaqa punchunta kamakunanpaq  
jaturqa.



Ali kamaraqla kaptinshi Tikuchawan  
ishkan kushikurqa.

Asociación Cristiana JAWCA  
Pasaje San Mateo, Lote 05  
La Esperanza – Amarilis  
Huánuco – Perú – 2025

Con la colaboración del Instituto Lingüístico de Verano